



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 48. Societas pauperum Catholicorum.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul.XIII. Milo Legatus Montispeffulani in hyeme
 A.C. 1209. anno millesimo ducentesimo nono mor-
 tem oppetiit.

§. XLVIII.

Societas pauperum Catholicorum.

Inn. XI. ep.
 199. 15. ep.
 90. Anno superiore millesimo ducentesimo octavo quidam nomine Durandus de Huesca, Gente Arrago, cum quibusdam aliis, subiit conspectum Innocentii Papæ, qui benigne exceptos, & auditos, Catholicos esse censuit. Nihilominus, ut cautissime ageret, jusjurandum & scriptam fidei Confessionem ab eis petiit, in qua recipiunt tria Symbola, videlicet, Apostolorum, Nicenum, illudque, quod S. Athanasio tribuitur. Confitentur, Deum esse Creatorem rerum tam corporearum quam spiritualium, & tam Veteris quam Novi Testamenti Auctorem. Ab ipso missum fuisse Joannem Baptistam, Virum sanctum & justum. Vere non ficte Filium Dei fuisse incarnatum, passum, mortuum, ac a mortuis suscitatum. Unicam dari Ecclesiam, Catholicam Apostolicam & Romanam. Sacramenta in Ecclesia celebrata a virtute Ministri non pendere.

Præterea confitentur: *Recipimus Baptisum parvulorum, & Confirmationem, quam dat Episcopus per manuum impositionem. Credimus in Sancto Sacrificio*

crificio panem & vinum post consecratio-
nem esse verum Corpus & verum Sangu-
inem Jesu Christi, nec illud ab alio quam
a Presbytero, quem Episcopus rite ordi-
navit, offerri debere. Credimus, Deum
veniam peccatoribus, vere penitentibus,
concedere, & cum illis libenter commu-
nicamus. Unctionem Infirmorum reve-
remur. Matrimonium non damnamus,
nec etiam secundas nuptias, & confite-
mur, virum & feminam in matrimonio
viventes salvari posse. Carne tanquam
alimento vescentes non vituperamus. Cre-
dimus, licitum esse jurare, comitante
veritate & justitia. Credimus, Prædi-
cationem rem esse necessariam, si modo
auctoritate Papæ, vel Episcoporum fiat.
Officium Ecclesiasticum, quod Ecclesia
Romana persolvit, magni facimus. Cre-
dimus, Diabolum non fuisse creatum
malum, sed libero suo arbitrio talem
fuisse effectum. Credimus, eleemosynas,
sacrificia, ceteraque suffragia mortuis
prodesse. Clericis Decimas, Primitias,
& Oblationes esse dandas. Christianos
in sæculo permanentes, possidentes bona
sua, & Dei præcepta servantem, salutem
suam consequi. Durandum, ejusque so-
cios, a quibus talis Fidei Confessio exi-
gebatur, antea Manichæos fuisse, nemo
non videt.

Sæcul. XIII.
 A.C. 1209.

M 5

Sed

Sæcul. XIII. Sed his Catholicis fatis non fuit, Hæ-
 A.C. 1209. resim abjecisse, nam etiam ad perfectio-
 nem Christianam pervenire cupientes,
 condiderant sibi Regulam, in qua dice-
 bant: *Sæculo nuncium misimus, rebus-*
 que nostris in pauperes erogatis, nos ipsi
 Catholico- rum paupe- rum Regula. *animo constituimus, pauperes vivere, nul-*
la cura alterius diei tangi, nec aurum
nec argentum nec quidquam aliud, præ-
ter alimenta & vestimenta, in singulos
dies accipere. Quia plurimi ex sociis
nostris Ordine Clericali initiati sunt, &
literati, lectioni librorum incumbemus,
Christianos exhortabimur ad constantiam
in Fide, adversus omnes Hæreticorum
Sectas disputabimus, in scholis nostris
Verbum Dei, opera illorum, qui inter
nos ceteris eruditiores habentur, Fratri-
bis nostris & amicis exponemus, im-
petrato scilicet Episcoporum consensu.
Continentiam servabimus, & pro more
Ecclesiæ per annum duas Quadragesimas
jejunantes transigemus. Veste utemur,
ut solemus, ad modestiæ leges composita,
& calceis in superiore parte apertis, sed
ita, ut a Lugdunensibus (nempe a Wal-
densibus, seu Pauperibus Lugdunensibus,
qui etiam Insabatati dicebantur) mani-
feste discernamur.

Sup. lib.
 I. XXIII.
 S. 55.

17. ep. 196.
 197.

Hæc sunt præcipua Capita Regulæ,
 quam Innocentius Papa datis duabus
 Bullis, die decima octava Decembris,
 anno

anno millesimo ducentesimo octavo, al-
 tera ad Archiepiscopum Tarraconensem
 ejusque Suffraganeos, altera ad Du-
 randum *de Huesca*, seu Oscensem, ejus-
 que fratres, Pauperes Catholicos dictos,
 directis, approbavit.

Sæcul. XIII.
 A.C. 1209.

Ex alia Epistola Papæ, ad Archiepi-
 scopum Mediolanensem die tertia Apri-
 lis anno millesimo ducentesimo nono da-
 ta, dispicimus, Durandi societatem in
 Italiam quoque pervasisse, ac ipsum an-
 te suam conversionem cuidam Scholæ
 prope Mediolanum præfuisse. Sed &
 in Occitania propagabatur istud Institu-
 tum, unde Archiepiscopus Narbonen-
 sis, & Episcopi Bliterrensis, Uticensis,
 Nemausensis, & Carcassonensis, graves
 querelas, datis literis, ad Papam detu-
 lerunt. Dicebant in sua Epistola ad Pa-
 pam Episcopi: *Eo usque Durandi & so-*
ciorum ejus, post acceptam a te gratiam,
crevit insolentia, ut, nobis præsentibus,
in Ecclesiam introducere Waldenses,
necdum reconciliatos, sancto Sacrificio
cum ipsis interfuturos ausi sint. In sua
Communione Viros Religiosos Apostata-
tas patiuntur. Pristinæ suæ superstitionis
vestem, Catholicis scandali occasio-
nem, nulla in re mutarunt. Dum ipsi
in scholis suis concionantur, multi ab
Ecclesia abstrahuntur, qui nec Officio
divino intersunt, nec Prædicantem Pres-
byterum

12. ep. 17.

12. ep. 69.

22. 23. 24.

Sæcul. XIII. *byterum audiunt. Quin etiam eorum*
A.C. 1209. *Clerici, etsi in Ordinibus sacris consti-*
tuti, Sacerdoti sacris operanti non assi-
stunt. Aliqui docent, nullum Magistrat-
tum sæcularem in quemquam sententiam
mortis, sine peccato mortali, pronuncia-
re posse.

Pontifex, acceptis Episcoporum li-
 teris, Durando ejusque sociis scripsit,
 exhortans; omnia hæc errata emenda-
 rent, imprimis autem errorem rejice-
 rent, quod potestatibus sæcularibus reos
 capitis damnare non liceret. Et occa-
 sione utens Papa Doctrinam de duobus
 gladiis huc trahit. Data quoque ad Ar-
 chiepiscopum Narbonensem ejusque Suf-
 fraganeos Epistola, *si Durandus, ait, ma-*
la fide agit, & si illusor est, sibi met-
ipsum erit. Si autem eo consilio aliquid de
veteri superstitione retinet, ut vel He-
reticos facilius ad veritatem reducat, vel
quod ipsum pudeat, tam subito potuisse
mutari, tolerandus est ad tempus donec
ex fructibus arbor cognoscatur, si modo
sincere veritatem quærat, nec in ullo
præcipuo Fidei capite erret. Ergo bo-
minem in spiritu lenitatis sustinete, qui
potius blanditiis attrahendus, quam vi-
gore arcendus est. Si autem salutaria
monita spernat, nunciis ad nos celeri-
ter missis, certiores nos facite, ut apta
adhibeamus remedia. Papa in hac causa
 quo-

ep. 66. 68.

quoque scripsit Archiepiscopo Tarraco- Sæcul. XIII.
 nensi, ejusque Suffraganeis, omnesque A. C. 1209.
 hæ Epistolæ Viterbii die quinta Julii
 anno millesimo ducentesimo nono da-
 tæ sunt. Quia vero, non obstante tan- 13 ep. 63. 77.
 ta cautela, non deerant, qui Neo- con- 78. 15. ep. 82
 verfos persequerentur, Papa eisdem E- 90. 93. 94.
 piscopis, sequentibus etiam annis, Epi-
 stolas his Pauperibus Catholicis faven-
 tes scripsit.

Innocentius Papa simili lenitate ha-
 buit & aliam Waldensium converfo-
 rum societatem, cujus principes erant
 Bernardus Primus, & Guilielmus Arnal-
 dus. Hos ante annos prope triginta Abb. Ursp.
 Lucius III. Papa, conspectum ejus sub- an. 1212.
 euntes, & Institutum suum confirmari p. 318.
 rogantes, repulerat, quod non nulla su-
 perstitionem redolerent, quale illud es-
 set, quod calceis uterentur, non totum
 pedem tegentibus, ita ut nudis pedibus
 incedere viderentur. Quod capillos in
 eum modum, quo sæculares, sectos ge-
 rerent, quamvis cucullo, more Religio-
 forum caput involverent. Quod iter
 facerent, comitantibus mulieribus, qui-
 buscum non solum in eadem domo sed
 etiam in eodem lecto acquiescere dice-
 rentur. Nihilominus Innocentius III. 13. ep. 94.
 societatem Bernardi approbavit, post-
 quam eos simile juramentum ac antea
 Durandum edere jussisset, atque inter
 alia

Sæcul. XIII.
A. C. 1209.

16. ep. 137.

alia ad promittendum compulisset, quod omnem cum mulieribus societatem, sinistra suspitioni obnoxiam, fugituri essent, cum publice continentiam profiterentur. Hæc Epistola decima quarta die Junii anno millesimo ducentesimo decimo data est. Papa idem Bernardi Institutum confirmavit, Bulla vigesima tertia die Julii anno millesimo ducentesimo duodecimo data, in qua diserte præcipitur, ne fratres & sorores in eadem domo dormiant, aut eidem mensæ accumbant.

12. ep. 187.

Præter alios errores Bernardo obijciatur, quod diceret, feminis licere in Ecclesia Evangelium docere. Et profecto! eadem ætate de quibusdam Abbatissis in Hispania lego, quod Monialibus suis benedixerint, eas confitentes audiverint, & publice, Evangelium prægentes, prædicaverint verbum Dei. Hæc cognoscimus ex Epistola Papæ, die decima Decembris, eodem anno millesimo ducentesimo decimo, data, ad Episcopos Palentiæ & Burgorum, in quorum Diocæsis degebant hæ Abbatissæ, atque etiam ad Abbatem Morimontii, unde judicare pronum est, illas Ordinis Cisterciensis Abbatissas Morimontensis Abbatis filias subjectas extitisse.

§. XLIX.